

Osna i Hercegovina
Federacija Bosne i Hercegovine
Zeničko-Dobojski kanton
Općinski sud Tešanj



Predsjednik suda : +387 32 650 040
telefon : +387 32 650 101
fax : +387 32 652 021
ZK uređ : +387 32 654 597
e-mail : cpsud-tesanj@pravosudje.ba
web : cpsud-tesanj.pravosudje.ba

BROJ:039-0-SU-15-000-027
DANA:10.02.2015.godine

OPĆINA TEŠANJ

Priloga: 11-02-2015			
Reg. br.	Šifra općine	Šifra suda	Br. priloga
01	06-1	319	1

OPĆINSKO VIJEĆE OPĆINE TEŠANJ
n/r predsjedavajućeg

Sl. zahtjev:
Priloga misu dostavljani,
KA

PREDMET: Dostava Informacije o radu suda za 2014. godinu,-

U prilogu Vam dostavljamo Informaciju o radu Općinskog suda u Tešnju za 2014. godinu.

S poštovanjem.



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U TEŠNJU
Broj, 039-0-SJA-15-000 - 027
Data, 10.02.2015. godine

OPĆINSKOM VIJEĆU OPĆINE TEŠANJ

INFORMACIJA O RADU OPĆINSKOG SUDA TEŠANJ ZA 2014. godinu

U 2014. godini zbog češćih bolovanja sudija i drugih radnika sud nije radio u punom sastavu, iako je kadrovski po sistematizaciji Pravilnika o unutrašnjem poslovanju bio popunjen sa potrebnim brojem sudija, stručnih saradnika i ostalih radnika.

Ova bolovanja rezultirala su i manjom realizacijom kolektivne godišnje norme suda koja je ostvarena sa 102,40 % i manja je od prošlogodišnje u kojoj su bolovanja bila manje izražena.

Ovome je doprinijelo svakako i povećanje orjentacionih mjerila (mjesučne norme sudija) od strane Visokog sudskeg i tužilaškog vijeća (VSTV).

Tokom 2014. godine sud je imao u radu 14491 predmet a činili su ih 9444 predmeta prenijeta iz 2013. godine i 5047 zaprimljenih predmeta tokom godine. U odnosu na prethodnu godinu priliv novih predmeta bio je manji za 532 predmeta.

Od navedenog broja riješeno je 6375 predmeta ili 532 više od priliva (5047 predmeta).

U radu je ostalo neriješenih 8116 predmeta a broj završenih predmeta u odnosu na 2013. godinu je veći za 1328 predmeta.

Vidljivo je da se broj neriješenih predmeta smanjuje, što je posljedica kako smanjenja priliva novih predmeta tako i ispunjenja mjesečnih normi sudija.

Kvalitet odluka bio je tradicionalno visok a ipak neznatno slabiji nego u prethodnoj godini, što je posljedica rješavanja većeg broja starih i složenih predmeta, jer je težište suda u prethodnoj godini bilo na starih predmetima i njihovom suzbijanju, kako i činjenice da je po žalbi otišlo jako mnogo odluka.

Kvalitet rada se nešto drugačije računao nego u ranijoj godini jer je za bazu uzet broj svih odluka na koje smo mogli uložiti pravno sredstvo, te to dovedeno u vezu sa brojem stvarno uložених правних средстава i odluka drugostepenog suda po njima.

Ukupna prolaznost suda izražena u procentualnom dijelu iznosila je 89,30 %. Najmanja je bila na parničnom referatu gdje su i najsloženiji predmeti dok je najveća bila na prekršajnom referatu i iznosila je 98,50 %.

Iz tabelarnog dijela vidljiv je bliži brojčani prikaz prolaznosti predmeta po vrstama, kao i kvalitet odluka suda također po vrstama predmeta i procentima.

Kako je već napomenuto akcenat je bio na rješavanju starih predmeta kod svih sudova u BiH. Rad po ovim predmetima bio je posebno složen, kako zbog složenosti samih predmeta, nedostupnosti i određenih lica u njima - njihovih adresa i slično, što je dobrim dijelom uticalo na sporost u njihovom rješavanju. Za postupanja po ovim predmetima radjeni su posebni planovi rješavanja koje je pratilo VSTV, pa je tako sud riješio po svim planovima rješavanja starih predmeta 70 % tih predmeta, što je prolazna granica utvrđena odlukom VSTV za te vrste predmeta. Inače ovim predmetima bili smo suočeni sa čestim odlaganjima zbog

nedostupnosti stranaka i njihovih migracija trenutčnih adresa, većem broju nesesnika što na tužilačkoj što na tuženoj strani a što je vidno povećavalo i troškove.

Po odlukama VSTV nalagano je uvođenje evidencija o dužini trajanja postupka na svim referatima izraženo u danima. Tako je prosječna dužina trajanja postupka na svim referatima unijetim u CMS uključujući i komunalne predmete iznosila 827 dana za ukupno riješenih 6376 predmeta.

Najduže prosječno trajanje postupka iskazano u danima bilo je na P referatu čemu su doprinijeli stari predmeti starosti više od 10 godina.

Ovo trajanje postupka u narednom periodu znatno će se smanjivati sa rješavanjem starih predmeta, jer će se sudovi u daljnjem radu morati pridržavati optimalnih i predvidivih rokova koji su također utvrđeni planom i koji idu u pravcu da i stranke mogu izvjesnije računati na završetak svog predmeta. Tako će u bar kodu koji stranka može dobiti prilikom predaje podneska pisarnici biti određen predvidivi rok do kojeg bi se navedeni predmet trebao završiti.

Zastare koje su ranije bile češće pojave kod suda praktično su nestale i svode se na situacijama samo objektivne nemogućnosti završetka predmeta, konkretno ne realizovanje potjernica i slično i tekom 2014. godine nastupila su u samo dva predmeta inače eventualne zastare do koje bi došlo iz subjektivnih razloga sudije podliježu disciplinnoj odgovornosti kod Ureda Disciplinskog tužioca VSTV.

Naši zaključci i zapažanja iz izloženog ukazuju na trend opadanja priliva predmeta pred ovim sudom što se u prvom redu odnosi na građanski referat. Nema više masovnih sporova vezano za radne odnose i prava koja iz toga proizilazi. Shodno tome nema ni povećanja izvršnih predmeta po takvim odlukama. Kada smo već kod izvršnih odluka, problem izvršenja ovih odluka je najbolji u sistemu i broj predmeta ove vrste ubjedljivo je najveći kako pred ovim sudom tako i svim drugim sudovima. Sudovi su suočeni sa izvršavanjem velikog broja izvršnih sudskih odluka, te komunalnih predmeta koji po nekakvoj logici stvari ne bi ni trebali doći pred sud. Stalno se zagovaraju drugačija systemska rješenja u pravcu njihovog rješavanja da ne budu u nadležnosti sudova ali od toga još nema ništa. Naš jedan sudski izvršilac ne može da se nosi sa preko 5000 predmeta takve vrste koji su u pravilu na pokretnim stvarima izvršenika. Veoma malo na nekretninama i novčanim sredstvima izvršenika. Kod izvršenja na pokretnim stvarima problem je što i nakon popisa i procjene tih stvari rijetko ko ih kupuje, tako da brojna izvršenja i poslije maratonski vodjenih parničnog i izvršnog postupka se obustavljaju.

Pokušaj suda za angažovanjem još jednog sudskog izvršioca obzirom da je isti predviđen aktom u sistematizaciji ne prolazi kod nadležnog ministarstva zbog opšte poznate finansijske situacije i krize budžeta.

Veliki broj izvršenja nije realizovan ni u okolnostima gdje je izvršenik kanton što dodatno vodi nezadovoljstvima građana koja oni ispoljavaju prema sudu i iskazuju nepovjerenje kako u sud tako i sistem. Godinama se čeka izvršenje takvih odluka sa slabim izgledima na uspjeh i u narednim godinama.

Na novčanim potraživanjima izvršenika kod banaka realizacija je također slaba. Izvršnici u pravilu imaju veći broj računa kod raznih banaka koji su također u pravilu neaktivni, što uzrokuje često „bezuspješno šetanje“ rješenja o izvršenju od jedne do druge banke, pri čemu se izgubi vrijeme gdje se pokaže da to nisu aktivni računi izvršenika i da na njima nema novčanih sredstava.

Pojedina zakonska rješenja u Zakonu o izvršnom postupku pokazali su se veoma slabim i omogućavaju izvršnim licima sakrivanje svoje imovine i izbjegavanje da ona dođe pod udar izvršenja u okolnostima kada mogu da imaju više transakcijskih računa. Zatim kod javnih prodaja nepokretnosti primjećeno je neozbiljno pojavljivanje kupaca na licitacijama jer im zakon omogućuje da im se vrate položena sredstva kod licitacija i u okolnostima kad

odustanu od licitacija bez bilo kakvog umanjenja tog predujma, što ne rijetko javne licitacije pretvara u farse. Izlicitira se primjera radi astronomska cijena koja se ne uplati, pa onda ponuda ili prelazi na drugog ponudjača koja je u pravilu nereatna ili se iz takovg razloga zakazuje nova javne prodaja sa umanjenom početnom cijenom i da ne nabrajamo. Mnogo toga kao da je svjesno prilagodjeno izvršenicima na račun poštenih građana koji teško dolaze do ostvarivanja svojih prava na naplati dugova i pored pravosnažne i izvršne sudske odluke.

Na krivičnom referatu bilježi se porast predmeta i krivičnih djela u čemu prednjače krivična djela teške krađe, saobraćaja a ima i dosta krivičnih djela posjedovanja i omogućavanja uživanja opojnih droga. Raduje jedino opadanje maloljetničkog kriminaliteta jer je broj predmeta ove vrste u toku 2014. godine bio zanemarljiv svega nekoliko predmeta a što će se sve vidjeti iz tabelarnog dijela izvještaja.

Želimo dodati i to da će na smanjenje broja predmeta u 2015. godini uticati i određena zakonska rješenja obzirom da dolazi do prenošenja ostavinskih predmeta u rješavanje notarima što će svakako rasterefiti sudove i omogućiti rješavanje drugih složenih i starih predmeta.

Želimo istaći Zemljišno knjižni referat je izuzetno ažuran i zanemarljivo je mali broj ne završenih predmeta na ovom referatu.

Sud ima svoju stranicu na internetu pa na taj način građani mogu saznati više o samom sudu i njegovim aktivnostima koja stranica se premamentno uređuje.

Želimo napomenuti da je samo sudovanje zbog brojne izmejne zakonskih propisa u korist stranaka, obaveznosti primjena Konvencija u postupku podignuto na znatno viši nivo u kojem sud učesnicima u postupku mora obezbjediti i obezbjeduje znatno veća prava nego je to bilo ranije a to se posebno odnosi i na postavljanje punomoćnika branilaca gdje i nije propisana obavezna odbrana ako to stranka traži.

Stepen demokratije u sudskim postupcima omogućuje građanima da u postupcima pred sudovima traže postavljanje advokata zbog slabog imovnog stanja o trošku kantona, što sudovi bezrezervno moraju ispoštovati a što svakako dodatno opterećuje budžete sudova. Ove standarde teško je finansijski ispoštovati pa advokati vremenski dugo ne mogu da ostvare naknade koje su im dosudjene i koje im pripadaju na obavljene usluge. Nerjetko se traži i angažovanje prevodilaca, tumača, vještaka, pisarja odluka na jeziku strank i da ne nabrajamo.

I dalje smo nezadovoljni ne uvažavanjem naših prijedloga u pravcu izmjena određene zakonske regulative često smo to ukazivali za izvršni postupak jer je u mnogim njegovim dijelovima bilo mjesta za to, konkretno da predujam kod licitacija kupcu koji odustane od kupovine propada međutim od toga ništa nema pa se i dalje mi suočavamo sa brojim bezuspješnim javnim prodajama a primjera radi prijedlozi kod takvih Amandmana poslanika prolaze iako realno to ne bi trebalo da se desi a što u praksi stvara dodatne probleme sudovima.

Saradnja sudova sa organima vlasti, policijom preostalim institucijama u kantonu na kojé je sud nasložen u svom radu bila je tradicionalno dobra.

Prilozi:

- tabele protoka predmeta po referatima i vrstama predmeta.
- kvalitet rada suda

S poštovanjem,

